

Heinrich Rudolph Redecker

Henricus Rudolphus Redeker/ Iuris Consultus, Facultatis iuridicae Rostochiensis Antecessor & Decanus Suo & Amplissimae Facultatis nomine Ad Disputationem Inauguralem, Dn. Johannis von der Becke/ Minda-Westphal. ... Die 18. Augusti ... observanter & amice invitat : [Rostochii, sub Sygillo Facultatis, die IX. Augusti, Anno 1674.]

Rostochii: Kilius, 1674

<http://purl.uni-rostock.de/rosdok/ppn741211564>

Druck Freier  Zugang




Innen aus dem Teil I
der Pandekten

RU für 1674.

Heinr. Rud. Redeker, Pr. /a

Johann v. d. Becke, Prof

Mit 700gr.



HENRICUS RUDOLPHUS

Redeker/

Juris Consultus, Facultatis juridi-
cæ Rostochiensis Antecessor &
DECANUS

Suo & Amplissimæ Facultatis nomine

AD

DISPUTATIONEM INAUGURALEM,
DN. JOHANNIS von der Becke/
Mindâ-Westphal. J. U. Candidati
præstantiss.

Die 18. Augusti in Auditorio Majori, consueto more
ac Solemnitate habendam.

MAGNIFICUM DN. RECTOREM,
Nobiliss. Utriusq; Reipubl. Senatam, Ex-
cellentissimos omnium Facultatum Professores atque
Doctores, lectissimâ studiosæ juventutis coronam, nec non om-
nes litteratos & litteratorum Fautores, observan-
ter & amice invitat.

ROSTOCHII,

Typis JOHANNIS KILII, Universit. Typogr.



Salutem!



Uatuor fuisse veterum Iſtorum, quibus omnem juris juſtitiæq; normam acceptum ferimus, mûnera, Tullius, inter prudentes Romani juris ſui temporis princeps, paſſim teſtatur. Idemque ex legibus, ab Imperatore Juſtiniano compoſitis & promulgatis, quibus tam publici quàm privati juris principia continentur, haud difficulter probatur. Juris etenim Sacerdotes, qui æqui & boni artem proſitebantur, vel judiciorum ordinem, ſecundû legum ſolemnitatẽ ad cujuſq; juſ perſequendû, præſcribebant: vel cautiones, nequis, in negotiis gerendis, temere deciperetur, ſuggerebant: vel ambiguas hominum voluntates interpretabantur: vel abſtruſa legum ænigmata reſolvebant. & de jure ad factum reſpondebant. Adeoque Conſulti juris medias, legiſlatorem inter & magiſtratum, ſeu juſ dicentẽ, obtinebãt partes. Ita ut legiſlator non abs re prudens audiat legum condendarum auctor; Juriconſultus peritus ſcriptarum legum interpres; Magiſtratus autem diligens illorum quæ conſtituta ſunt cuſtos & executor. Quantum itaque officii ac dignitatis præſtantiã juris antecellor & antiltes ſuperatur à legiſlatore, tantum ille notitiã juſti atque injuſti vincit magiſtratum atque iudicem, cum hic etiam juris imperitus eſſe poterit, & minus non officium judicis olim ſuſtinere. *Primum a. juris*

Juriconsulti munus, quod versatur circa actionum formulas ritè observandas, ut ut, ob nimiam subtilitatem, sæpe justitiam ac veritatem lædat *arg. l. 116. de V. S.* attamen apud priscos romanorum prudentes maximo, circa actionum instituendarum certitudinem, in honore fuit. Hinc Appium Claudium Decemvirum, qui ceteroquin, quod, illicito Verginii filix amore captus, contra jus, vindicias abdixit, omne fas atque nefas miscuisse magnisque ac periculosis motibus ansam dedisse, fertur, Pomponius in *l. 2. §. 7. ff. de O. J.* ex merito laudat, quod legis actiones, ne populus, pro ut vellet, actiones instituerit, composuerit, & ad formam redegerit; munus, ex plagio scribæ Cn. Flavii, populo gratum. Sed quia illæ solennes & scrupulosæ verborum formulæ, per quas, aucupatione Syllabarum insidiante, sæpius pernitiöse, dum, qui caderet à Syllaba, idem etiam caderet à causâ, *arg. §. 33. 34. ff. de aat.* in artè juris committèbatur, ab Imperatore Constantino sublata & radicitus dicuntur amputata in *l. 1. C. de form. & impetr. action. subl.* cum intentionis expositio ab actore facta iudici sufficeret; videri poterat illud munus Jurisprudentum cessisse foro: ast nemo sibi persvadeat, illam fuisse Constantini Imper. mentem, quasi voluerit ipsum substantiale judicii, seu internam actionum formulam, tollere, cum aliâ declarationē addant, Imper. Theodos. & Valent. in *l. 2. d. 1.* ita ut apta nihilominus rei & proposito negotio competens requiratur actio. Non enim præsumendum optimum Imperatorem omnem juris rationem sublatum ivisse, totamque Jurisprudentiam perturbasse, quin potius, translato in Thraciam Imperio, veterem illam duntaxat Romanorum superstitionem, & otiosas odiosasq; subtilitates, quæ bono & æquo videbantur adversari *l. 29. §. 4. ff. Mand. 1. fn. C. de LL.* quas etiam pro Cecina Tullius exagitavit, amovisse. Cum hodiernum in Camera Imperiali, & aliis bene constitutis judicis, stylus curiæ accuratam curam solennium, tam circa actionum articulos, quàm judicio-

rum ordinem requirat, ut quis, ad veterem Romanorum morem legum actiones rediisse, arbitrari haud temerè possit. *Alterum Jurisconsulti officium*, in cautionum negotiis civilibus adhibendarum curâ, consistebat, ne ex lubrico & legum imperitiâ lædantur, quibus integrum erat in actibus legitimis prudentes consulere. Tanta enim & cautionum & clausularum multitudo & difficultas, ut sæpe peritus aliqui in arte impingere possit. Advocatorum insuper quorundam, qui ex litibus tanquam ex prædâ vivunt, tanta est malicia, ut, nisi decipiant, litem ex lite forment, judicia procrastinent atq; eludant, litteras obli-terent, leges invertant, conventiones in sinistrum sensum rapiant, sigilla fugillent, compendium ex aliena calamitate sectentur, sua marsupia farciant, & ita in universum pene jus calumnientur, se officio suo rite functos esse neutiquâ credant. Horum itaq; callidis machinationibus nisi vigili lictorû operâ succurratur, & providis cautionibus occurratur, fas omne & jus subverteretur, judiciaq; eluderentur: quod tamen, olim fuit severe prohibitû, nec hodie est licitum. *Tertium munus jurisperiti* occupatur circa æquam interpretationem ambiguarum voluntatum, unde *Eminentissimus Cardinalis Franciscus Mantica*, *lctus celeberrimus*, de conjecturis ultimarum voluntatum, nec non de tacitis & ambiguis conventionibus, stupendo cum labore, in perpetuam nominis sui gloriam, egregia composuit volumina, quæ huic muneri splendidum addunt lumen. *Quartum munus*, eorû qui juris civilis scientiam profitentur, in eo præminet, quod de jure consulentibus respondeant. Isthoc nomine *Masurius Sabinus*, qui apud Romanos equestris ordinis fuit, à *Pomponio* laudatur, quod publicè primus responderit. Et hoc munus tam necessarium est, ut jurisprudentia, illo remoto, haud possit rite recteque explicari. Non enim possunt leges ita scribi ut omnes omninò casus contineant, hinc opus sæpe est sapientum effatis, ut leges, vel per interpretationum usualem, in rebus

rebus similiter iudicatis l. 32. ff. de leg. vel per restrictivam
in causis odiosis, l. 25. de LL. vel per extensivam in favora-
bilibus l. ult. ff. de Consti. Princ. facto applicentur & accom-
modentur. Nec scire leges est verba earum tenere,
cum verba rerum causa sint inventa, l. 7 ff. de supell. leg. sed
vim ac potestatem l. 17. ff. de LL. Adeoque verus legis
sensus, ex ratione legislatoris, si de ea constare possit;
vel ex sensu genuino æquitati congruenti; vel ex verbis,
proprie vel inproprie sumendis, hauriendus est. Quo-
niam itaque in hoc studii genere excellere, non otiosi
aut stupidi hominis est, sed ejus demum, cui de meliori
luto finxit præcordia Titan, & qui indefesso labore per
medium profundum ivit, nullis isthæc potestas conce-
ditur, nisi qui se, ex responso Divi Hadriani, dignos isto
honore & isto imperiali beneficio præstiterunt, l. 2. §.
47. ff. de O. J.

Postquã itaq; DN JOHANNES von der Beeke/ Mindã-
Westph. juris utriusq; Candidatus Eximius, in hanc
nostram Academiam non ita pridem venit, eo sine &
proposito, ut sibi, post superatos in difficili juris studio
labores, potestã de jure publicè respondendi ab Ampliss.
nostrã Facultate impetraret, Nos, pro officii nostri ratio-
ne, non potuimus honestis ejus deesse votis, cum præpri-
mis, ex privato discursu, de veris juris prudentiã princi-
piis desumpto, nobis probatum dederit, quantam habeat
sui in scientiã legali fiduciam, & quibus instructus ani-
mi dotibus se huc contulerit. Itaq; rigoroso eum submis-
simus examini, tani umq; ex rerum argumentis edocti,
posse eum ad publicum examen admitti, tandemque offi-

cium Jurisconsulti supplere. Est autem is, ut pro more de eius natalibus & vita ratione quadam commentemur, honestissimis parentibus ortus.

Patrem enim habet virum Spectatissimum & Civem apud Mindenses primarium DN. BARTOLUM von der Becke/ matrē vero CATHARINAM Rostede/ feminam virtutum encomio clarā. A quibus Parentibus in primis statim annis cura ac disciplina praeceptorum fidelissimorum, in scholā patriā erudiendus, traditus est, eo successu, ut informatores brevissimam de ipso conciperent non levem, patriq; auctores fierent, ne filius hunc, eximio animi vigore ornatum à studiis ad aliud vitæ genus avocarent, quin potius sumtus studiorū non frustrandos promptè impenderent: quod etiā in spem familiae & splendoris lubentes fecerūt. In primis vero auspiciis informatione usus est DN. JACOBI WESSELLII, Phil. Mag. & Correctoris Scholæ Patriæ Clarissimi, à quo in græcā linguā probe eruditus, in latinā egregiè exercitatus, & Rhetoricæ fundamenta doctus est. Addidit postea operam insignem Vir p. m. pl. Rev. DN. JOHANNES HEMPELIUS, Ph. M. & Past. ad D. Martini vigilantissimus, eo tempore Rectoris officium simul administrans, à quo, uti Philosopho præclaro simul Logicæ præcepta & fundamenta solidiora hausit. Hunc in informando excepit Præclar. DN. HARTMANNUS MORING, Phil. M. & Rector Scholæ Mindanæ meritisss., amicus noster honorandus, qui, quod deerat addere volens, præceptis Rhetoricæ, Historiæ, Logicæ,


gica, Ethica & Physica, nec non Theologia Candidatum nostrū diligentissime instruxit. A. itaq, 1667. Academias cogitantem fama viri ampl. DN. HENRICI TOLLEN Pedagogiarcha Göttingensium celeberrimi eo pertraxit, ubi duce & praeceptore laud. DN. TOLLEN Biennium in Philosophia & eloquentia studio consumpsit; usq, dum, sub auspicio anni 1669. Academiam Hasso-Scaumburgicam, quae Rintbeliae est, adiit, ubi, praeterquam quod publicis lectionib. Virorum Nobilissim. Consultiss. & Excellentissimorum Dn. DAVID PESTELII, & Dn. BERNHARDI SCHULTZEN assidue interfuit, imprimis privata informatione usus est viri Nobiliss. & Excellentiss. Dn. D. MOLLENBECII, tum temporis Rintbeliensis Civitatis Syndici, postea vero ad Cathedram Juridicam in Giessenam evocati Academiam, ubi Antecessoris munus singulari cum laude exornat. Sequenti anno in Salana studium Juris continuavit, privatam operam conferentibus viris Nobiliss & Consultiss. Dn. D. LINCKEN, & Dn. D. SIMONIS, illo quidem in Syntagmate D. STRUVII, hoc vero in exponendo Examine Juridico Scotam Absoluturus cursum ceptum tertio anno ad per antiquam, nunc reslorescentem Germanam se contulit, ubi per biennium & aliquot menses substitit, publicè docentibus viris Nobiliss. Consultiss. & Excellentissimis Dn. SODEN, Dn. JUDENO, Dn. SMIDELIO, nunc p. m. privatim autem singularem opem subministrante Dn. D. JUDENO, quo praeside etiam Collegium Examinatorio

rio disputatorius ad universum jus civile habuit.
Tunc temporis apprime delectatus est rebus practicis, cū
& universa theoria illum respiciat finem. Nam quod
discitur theorice, id sub nube discitur, quia jurispruden-
tia non consistit in contemplatione, sed in virtutis &
præcipue iustitia actione, ut cuiq; suum tribuatur: adeo-
que ipsa praxis verum tandem præbet juris intellectum,
& Ictam demonstrat. Leges siquidem, Baldo teste, in
scholis diglutuntur, in Palatiis autem & judiciis dige-
runtur. Ideoq; Effurti degens patrocinio amicorum ope-
ram dedit. Tandem domum reversus Lubecam com-
meavit, inde in hanc nostram Academiam, eo, quem dixi,
animo se contulit, & talem hæcenus se præstitit, qui non
tam ambire quã mereri summos in utroq; iure honores
velit. Scripsit autem Disputationem inauguralem,
die 18. Aug. publico examini subjiciendam, non de certâ
quâdam juris materiâ, sed ex primâ Pandectarum par-
te desumptam, quã se eo magis possit eruditum ostendere,
& munia Doctoris cum laude subire.


Ut itaque actus hic solennis eo illustrior redda-
tur, Ego, meo & Ampl. Facult. Juridic. nomine,
Magnificum, Dominum Rectorem, Utriusq; Rei-
publ. Senatum, omnesq; Litteratorum Ordines,
eã, quã par est, observantiã & huma-
nitate, iterum iterumq; invito.

ROSTOCHII, sub Sygillo Facultatis,
die. IX. Augusti, Anno 1674.





gica, Ethica & Physica, nec non T
nostrū diligentissime instruxit. A
cogitantem fama viri ampl. DN
LEN Padagogiarcha Göttingen
pertraxit, ubi duce & praeceptor
LEN Biennium in Philosophia & e
sumsit; usq; dum, sub auspicio an
Hasso-Scaumburgicam, qua Rint
terquam quod publicis lectionib.
Consultiss. & Excellentissimorum
STELLII, & Dn. BERNHARDI
adsidue interfuit, imprimis privat
est viri Nobiliss. & Excellentiss. I
BECII, tum temporis Rint heliensis
stea vero ad Cathedram Juridicam
cati Academiam, ubi Antecessoris
laude exornat. Sequenti anno in
ris continuavit, privatam operam
Nobiliss. & Consultiss. Dn. D. LIN
SIMONIS, illo quidem in Syntagma
hoc vero in exponendo Examine Ju
soluturus cursum ceptum tertio an
nunc reflorescentem Germanam se con
nium & aliquot menses substitit,
viris Nobiliss. Consultiss. & Excell
DEN, Dn. JUDENO, Dn. SMID
privatim autem singularem opem
D. JUDENO, quo praeside etiam Coll



ndidatum
Academias
I TOL.
errimi eo
I. TOL.
udio con-
ademiarn
ubi, praes
obilissim.
ID PE-
TZEN
ione usus
LLEN-
ndici, po
m evo-
lari cum
um Ju-
us viris
& Dn. D.
RUVII,
am Ab-
tiquam,
er bien-
centibus
n SO.
oc p. m.
nte Dn.
unato-
rio